

NNNN

ZCZc 245 01621

AAHQ16 FAME 100301

MP 367

M44/173

10/8/87

NUUSBRIEF - JULIE 1987

OP MARIONEILAND IS DIE WINTER NOG IN VOLLE SWANG. JULIEMAAND WAS BRA KOUD EN ONPLESIERIG, MET SONSKYN N RARE VERSKYNSEL, EN TIER- ENDE WINDE N FEITLIK DAAGLIKSE HERINNERING DAT ONS ONS HIER SUID VAN DIE VREESLIKE VEERTIGSTE BREEDTEGRAAD BEVIND. NET DIE EILAND SE NATUURLIKE INWONERS IS WAARLIK IN HULLE ELEMENT. DIE GENTOO PIKKEWYNE (ENIGSTE VAN DIE EILAND SE VIER PIKKEWYNISOORTE WAT HIER OORWINTER) NADER NOU DIE EINDE VAN HUL 40 DAE LANGE BROEITYDPERK, EN DIE NELLIES (REUSE STORMVOELS) IS DRUK AAN T NESBOU EN HOFMAAK.

DIE SUB-ANTARKTIESE WINTER HET EGTER N HEEL ANDER UITWERKING OP DIE EILAND SE MENSLIKE INWONERS: BY SOMMIGES KAN DAAR N BESLISTE NEIGING TOT HIBERNASIE BESPEUR WORD, EN, SOOS VERWAG KAN WORD, IS DIE NEERLEGGING VAN BESKERMENDE EKSTRA WEEFSEL BY DIE MEESTE VAN ONS AL VER GEVORDER. BY SOMMIGES VERDER AS BY ANDER - EN DIE ONREGVERDIGE BEDELING (OF BEDEELDHEID) HET GELEI TOT N VERBETE STRYD TUSSEN VOSSIE EN MARIANNA OM TE SIEN WIE VAN DIE MEESTE MASSA ONTSLAE KAN RAAK VOORDAT DIE SKIP OPDAAG. MET DIE TER PERSE GAAN WAS DAAR EGTER SPRAKE VAN N DISKWALIFIKASIE OMDAT MARIANNA WEIER OM HAAR OORSPRONKLIKE GEWIG TE VERKLAP.

GEDAGTIG AAN WAT N BIETJIE SWOEG EN SWEET DALK VIR HULLE FIGURE KAN BETEKEN, LOODS KRIS, ANDRE J, MARIETA EN FRANK OP N RARE MOOI DAG VROEG IN DIE MAAND N AANSLAG OP DIE EILAND SE SENTRALE HOOGLAND. HULLE DOELWIT WAS DIE ONTWYKENDE YSPLATO - N YS= VLAKTE VAN ONGEVEER 5 HEKTAAR, 1 000 METER BO SEEVLAK, WAAR SKOU= SPELAGTIGE YSGROTTE EN RAVYNE MENS HERINNER DAT MARION TOT ONGE= VEER 15 000 JAAR GELEDE MET GLETTERS OORTREK WAS. DIE EKSPEDISIE SLAAN TENDE OP IN N BESKUTTE BIVAK BY KATEDRAALKRANS (750 METER BO SEEVLAK) MET DIE DOEL OM VROEG DIE VOLGENDE OGGEND SONDER RUG= SAKKE DIE YSPLATO TE HAAL EN DIE DAG DAAR DEUR TE BRING. NA N BITTER KOUE, SLAPELOSE NAG (NIE EERS MARIETA KON VIR FRANK WARM HOU NIE) IS DIE OU SPUL TOE DOUVOORDAG UIT HUL ONTOEREIKENDE VERE - NET OM TE VIND DAT DIE LEGENDARIES ONVOORSPELBAAR MARIONWEER HULLE PLANNE IN DIE WIELE GERY HET. IN DIGTE MIS WORD DAAR TOE TERUGGESUKKEL BASIS TOE. DIE HAAL HULLE WONDER BO WONDER WEL VOOR SONONDER, TEN SPYTE VAN ANDRE EN MARIETA SE NIE-BESTAANDE SIN VIR RIGTING. KRIS SE KOMMENTAAR OP DIE AVONTUUR WAS KORT, KRIPTIES, EN IN POOLS.

BLADSY TWEE.....

M44/173

BLADSY TWEЕ

DIE HOOGTEPUNT OP DIE EILAND SE SOSIALE ALMANAK DIE MAAND WAS N TOGA-PARTYJTJIE TER VIERING VAN MARIANNA SE VERJAARSDAG. DIE FEESTELIKHEDE IS INGELEI MET N UITGEREKTE VYFGANG AANDETE, EN IS, NA KOFFIE EN SIGARE, VOORTGESIT MET N TOGAWAPPERENDE DANS EN ALGEMENE OPSKOP. MET DIE OORHANDIGING VAN HAAR GESKENKE HET DIT DUIDELIK GEWORD WAAROM MARIETA DIE VOORAFGAANDE PAAR DAE SO SKAARS, GEHEIMSINNIG EN VOL HOUTSTOF WAS: SY HET ALMAL VERRAS DEUR N HEEL PROFESSIONELE STUKKIE SKRYNWERK TE PRODUSEER, IN DIE VORM VAN N LE ER UIT HOUT VIR MARIANNA SE KLEURSKYFIES. N HOUTSNEE VAN TWEЕ DANSENDE ALBATROSSE WAS DIE PRODUK VAN GARY SE VAARDIGHEID MET DIE BEITEL, SOOS WAT ONS TOENEMENDE MASSAS DEELS IS VAN SY VAARDIGHEID IN DIE KOMBUIS. SY MOSTERDHOENDER (NES DIE KORPO= RAAL DIT GEMAAK HET) EN ECLAIRS STAAN GROOT GESKRYF IN DIE ANNALE VAN EILANDKOOKKUNS.

VIR VERDERE, NIE-AMPTELIKE VERMAAK HET ONS DRIE METKASSIES, SOOS GEWOONLIK, HULLE KANT GEBRING. AFGESIEN VAN FRANK SE SKREEU= SNAAKSE WEERVOORSPELLINGS (WAT HY LEWER SONDER OM TE BLIK OF TE BLOOS) IS HENNIE EN ANDRE M SE MANNEWALES MET N WEERBALLON IN N 40 KNOPE WIND IETS WAT ALMAL NA HULLE KAMERAS LAAT GRYP. HENNIE HET NATUURLIK N AANSIENLIKE LENGTEVOORDEEL - SY BALLON WORD AANSIENLIK HO ER VAN DIE GROND AF VRYGELAAT AS FRANK S N - EN ANDRE HET N AANSIENLIKE GEWIGSVOORDEEL, MAAR DIS JUIS HY WAT IN N SKIELIKE RUKWIND SKOUSPELAGTIGE PASSIES UITVOER OM NIE MET DIE BALLON EN AL VAN DIE LANSEERPLATFORM AF TE TUIMEL NIE.

JULIEMAAND WAS NATUURLIK OOK ONS LAASTE MAAND ALLEEN, WANT VROEG IN AUGUSTUS VERWELKOM ONS N VERDERE TWINGTIG SPANLEDE IN ONS MIDDE, EN NEEM ONS AFSKEID VAN MARIETA EN MARIANNA. DIE KOMS VAN DIE SA AGULHAS WORD DUS MET GEMENGDE GEVOELEN AFGEWAG - ALMAL SIEN UIT NA DIE POS EN PAKKIES EN NUWE GESIGTE, MAAR DIT IS TERSELF= DERTYD N AANDUIDING VAN HOE VINNIG ONS TYD OP HIERDIE BESONDERE PLEK VERBYSNEL.

DIE DAE WORD LANGSAMERHAND MAAR MERKBAAR LANGER. DIT GAAN MET ONS ALMAL VOOR DIE WIND: GROETNIS TOT VOLGENDE MAAND.

WEERDATA - JULIE 1987

HOOGSTE TEMPERATUUR.....12,7 GRADE
LAAGSTE TEMPERATUUR.....-0,7 GRADE
GEMIDDELDE TEMPERATUUR.....5,9 GRADE
TOTALE RE ENVAL.....163,0 MM
HOOGSTE WINDSNELHEID.....165,2 KM/H
TOTALE URE SONSKYN.....69,9
GEMIDDELDE URE SONSKYN PER DAG.....2,3

NUUSBRIEF DEUR: JAN CRAFFORD
WEERDATA DEUR: FRANK SOKOLIC

89
87.08.10